



Na osnovu člana 22. stav 2. Zakona o izvršavanju Budžeta Kantona Sarajevo („Službene novine Kantona Sarajevo“, broj 13/13), a u vezi sa članom 13. stav 1. tačka 14. Zakona o zdravstvenoj zaštiti („Službene novine Federacije BiH“, broj 46/10) i Uredbe o kriterijima za finansiranje programa i projekata neprofitnih organizacija i udruženja koja se finansiraju/sufinansiraju iz Budžeta Kantona Sarajevo („Službene novine Kantona Sarajevo“, broj: 33/11), a u cilju zakonitog i transparentnog trošenja budžetskih sredstava, Ministarstvo zdravstva Kantona Sarajevo, objavljuje

JAVNI POZIV

za finansiranje/sufinansiranje programa i projekata neprofitnih organizacija i udruženja iz oblasti zdravstva sredstvima Budžeta Kantona Sarajevo za 2013. godinu, razdjel Ministarstva zdravstva Kantona Sarajevo

PREDMET JAVNOG POZIVA

Predmet Javnog poziva je dodjela sredstava iz Budžeta Kantona Sarajevo za 2013. godinu – razdjel Ministarstva zdravstva Kantona Sarajevo neprofitnim organizacijama i udruženjima čiji su projekti, programi i aktivnosti iz oblasti zdravstva, a od interesa su za građane Kantona Sarajevo ili doprinose razvoju i afirmaciji Kantona i provode se na području Kantona Sarajevo.

PRAVO UČEŠĆA

Na osnovu Javnog poziva pravo učešća i pravo na dodjelu sredstava imaju registrovana udruženja i fondacije, čiji su projekti, programi i aktivnosti iz oblasti zdravstva, a koja ispunjavaju opšte i posebne kriterije.

KRITERIJI ZA DODJELU SREDSTAVA

Opći kriteriji:

1. registracija udruženja na bilo kojem nivou vlasti u Bosni i Hercegovini;
2. realizacija projekata udruženja koja su od interesa za građane Kantona Sarajevo ili doprinose razvoju ili afirmaciji Kantona i provode se na području Kantona Sarajevo;
3. ekonomska ili društvena opravdanost projekta koje udruženje predlaže i sprovodi;
4. program rada za 2013. godinu sa obrazloženjem;
5. finansijski plan za 2013. godinu;
6. izvještaj o urednom finansijskom poslovanju;
7. finansijski izvještaj o utrošku sredstava za projekte odobrene u 2012. godini;
8. organiziranost i broj članova udruženja;
9. broj lica koja učestvuju u realizaciji projekta;
10. specifičnost potreba članova udruženja odnosno populacije koju zastupaju;
11. rezultati i uspjesi na kantonalmom, federalnom, državnom i međunarodnom nivou odnosno broj korisnika obuhvaćenih projektom.

Posebni kriteriji:

Posebni kriteriji su definisani u članu 5. Uredbe o kriterijima za finansiranje programa i projekata neprofitnih organizacija i udruženja koja se finansiraju/sufinansiraju iz Budžeta Kantona Sarajevo (oblast zdravstva).

Projekti i programi koji će imati prednost za dodjelu sredstava, trebaju da budu usmjereni na slijedeće:

- promocija zdravlja i prevencija bolesti, a naročito prevencija i suzbijanje bolesti ovisnosti (duhan, alkohol, droge) kod djece i mladih i drugi preventivni projekti iz oblasti masovnih nezaraznih bolesti;
- projekti socijalnog i humanog značaja koji se mogu odnositi na unapređenje zaštite mentalnog zdravlja i rehabilitacije;
- aktivnosti i uključivanje što većeg broja invalida u rad udruženja;
- aktivnosti i uključivanje što većeg broja pripadnika nacionalnih manjina u rad udruženja.

POTREBNA DOKUMENTACIJA

Dokumentacija koju je potrebno dostaviti:

- popunjen obrazac za aplikaciju za finansiranje/sufinansiranje projekata koji sadrži: naziv projekta, opis problema /potreba, kratak opis projekta, ciljevi, ciljne grupe, plan realizacije projekta, trajanje projekta, osoblje i budžet;
- rješenje o registraciji i izvod iz registra udruženja, koji nije stariji od šest mjeseci;
- ovjerena i potpisana izjava odgovornog lica o ekonomskoj i društvenoj opravdanosti projekta koje udruženje predlaže;
- finansijski plan i program rada za 2013. godinu;
- bilans stanja i bilans uspjeha (ovjereni od strane nadležnog organa) i narativni izvještaj za 2012. godinu;
- finansijski izvještaj za 2012. godinu, na propisanom obrascu od strane Ministarstva finansija Kantona Sarajevo;
- ovjerena i potpisana izjava odgovornog lica o organizovanosti i broju članova udruženja;
- ovjerena i potpisana izjava odgovornog lica o broju lica koja učestvuju u realizaciji projekta;
- ovjerena i potpisana izjava odgovornog lica o rezultatima i uspjesima na kantonalnom, federalnom, državnom i međunarodnom nivou, odnosno o broju korisnika koji su obuhvaćeni projektom;
- uvjerenje o poreskoj registraciji-identifikacioni broj;
- potvrda od porezne uprave ne starija od tri mjeseca da udruženje nema neizmirenih obaveza i doprinosa za zaposlene, odnosno izjava odgovornog lica udruženja da nema zaposlenih;

Svi dokumenti koji se podnose kao dokaz o ispunjavanju općih i posebnih uvjeta iz ovog poziva moraju biti originali ili ovjerene kopije, te kompletnu dokumentaciju poredanu po naprijed navedenom redoslijedu.

NAPOMENA:

Primaoci finansijske podrške za realizaciju programa i projekta koji nisu dostavili narativni i finansijski izvještaj o utrošku sredstava za odobreni program ili projekte za koje su imali u prethodnoj godini odobrena budžetska sredstva ne mogu biti prihvaćeni za finansiranje programa ili projekata za 2013. godinu.

PODNOŠENJE PRIJAVA

Prijava na javni poziv se podnosi u pisanoj formi na Obrascu za prijavu projekata za finansiranje/sufinansiranje iz budžeta Kantona Sarajevo, sa dokazima o ispunjavanju općih i posebnih kriterija, a isti se zajedno sa Obrascem o narativnom i finansijskom izvještaju Ministarstva finansija Kantona Sarajevo, može preuzeti u prostorijama Ministarstva zdravstva Kantona Sarajevo, ul. R.DŽ. Čauševića 1, Sarajevo, soba broj 33 i na web stranici Kantona Sarajevo.

Prijave se dostavljaju u zatvorenoj koverti.

Prijave se dostavljaju na protokol Kantona ili poštom na adresu: Kanton Sarajevo, Ministarstvo zdravstva, ul. Reisa Džemaludina Čauševića br. 1. Sarajevo, sa naznakom „Prijava na javni poziv za finansiranje/sufinansiranje rada neprofitnih organizacija i udruženja – ne otvaraj“.

Rok za podnošenje prijava je 15 dana od dana objavljivanja javnog poziva u dnevnim novinama.

Nepotpune i neblagovremeno podnese prijave neće se razmatrati.

MINISTAR

dr Eldan Lokmić



web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104, Fax: + 387 (0) 33 562-243
Sarajevo, Reisa Džemaludina Čauševića 1

